

o Er knappe sprach ich wirbe dir
Was du gesprochen hast zu mir
Der reit von im zu nantis ein
Do volget im die kindelein
Auff den hoff für den palas
Do mängerhande leute was
Vil schier ward vmb in gedrang
Vwanet do nabe spzang
Der knappe valsches frie
Got im kumpanie
o O sprach der gast got halte dich
Also bat die müter mich
Ee das ich schiede von irm hus
Ich sibe mangel artus
Wer sol mich ritter machen
Vwanet begunde lachen
Er sprach du sibest des rechten nicht
Das aber nun vil geschicht
Er fürte in him für den palas
Do die werde massanie was
Suß kund er in schalle
Got halt euch herren alle
Benamē den künig vñ des weib
Mir gebot mein müter an den leib
Das ich sy grüfte besunder
Vnd die ob der tavelrunder
Mit rechtem preise hetten stat
Die selben sy mich grüssen bat
Dar an ein kunst mich verbirt
Ich enweiß nit welcher haisset wirt
Dem ein ritter do her het enboten
Den sach ich allenthalben roten
Er welle sein do auffen beiten
Mich duncket er wolle streiten
Im ist auch lait das er den weim
Vergoß auff die künigem
Owe wañ het ich sein gewand
Entpfangen von des küniges hand
So wer ich frödenreiche
Wañ es stat so wunngleiche
Der knappe vmb twungen
Waz harte vil gedungen
Geburtet her vnd dar
Sy namen seiner varwe war
Die ward wol geschauwet
Geeret noch gefrauwet
Ward nie mynniglicher frucht
Got was an seiner lüssen zucht
Do er partzifal wozchte
Der freisen wenig wozchte
Suß ward für artusen bracht
An dem got wunsch bat gedacht
Im kunde niemant veint sein
Do sach in auch die künigem
Ee sy schiet von dem palas
Do sy douoz begossen was
o Er künig an den knappen sach
Zu dem knappen er do sprach
Iunckberre got vergelt ich de grüß
Den ich vil gerne gedienen müß
Mit dem leib vñ mit dem güte
Das ist mir wol zu müte
Das wolte got wañ wer es war
Der wille duncket mich ein iar
Das ich nit ritter wesen sol
Das thut mir würter danne wol
Nun saumet mich nit mere
Pflagent mein nach ritters ere
Das thun ich gerne sprach der wirt
Obe wirtkait mich nit verbirt
Du bist wol so gebeure
Reich an kosteure
Wirt dir mein gabe vndertan
Deswar ich sol es vngern lan
Du solt biß mozne beiten
Ich wil dich bereiten
Der wol gebozne knappe
Gagieret als ein rappe
Er sprach ich wil hie nicht beiten
Mir kam ein ritter widerreiten